

**Date – 01/11/2024**

**Time - 7:30 -7:40Hrs**

**REGIONAL NEWS BULLETIN**

**HEADLINES (MORNING)**

- 1. College thlan bik 4-te sawikhawma Mizoram State university din turin ruahmanna siam a ni.**
- 2. Police-te'n certificate, mark sheet leh driving licence lem siamtu nia hriat an man.**
- 3. Bangladesh Chattogram-a Minority Rights zawnga Rally neih laiin mi Sang 2 man an ni.**

<><><>

**STATE UNIVERSITY**

**College thlan bik 4-te sawikhawm a cluster university hmangin Mizoram state university din tura ruahmanna siam a ni.**

**Higher & Technical Education Minister Dr Vanlalhlana kaihhraina hnuaiah nimin khan Mizoram state university din dan tur chungchangah inrawnkhawmna huaihawt a ni a. A bul aṅanga State University thar hlak din a hautak dawn avangin, state college thlan bik pali (4) chu sawikhawmin cluster university nei a Mizoram State University hi din tura ruahman a ni. He inrawnkhawmna-ah hian Higher & Technical Education department official-te, Mizoram College Teachers' Association aiawh leh state sawrkar hnuaia college thlan bikte aṅangin principal leh zirtirtute an tel a. Mizoram state university dinna tur dan duan lawk sawi ho ṭula hriat lai te sawi hovin zawhna leh chhanna hun hman a ni a, sawi fiah ngaite sawi fiah niin sawi hona hun hman a ni. Mizoram State University Bill duan chhin hi assembly-a a putluh theih turin Cabinet thutkhawmna a thlir ho tura chhawp chhuah ni ang. Dan duan chhinah chuan Mizoram State University chu postgraduate programme zirna tura ruahman a nih bakah, multidisciplinary leh research-oriented institute tura duan a ni.**

**Tun dinhmunah he hmalakna, Mizoram State University din tura ruahmanna atan hian bill drafting committee leh study team din tawh niin study team hian Cluster University of Srinagar leh Cluster University of Jammu kal dan zir chiangin bill drafting committee thlir ho turin an theh lut tawh a. Dan duan chhin hi finance department leh law & judicial department nen pawh higher & technical education minister kaihhraina hnuaiah enho tawh a ni bawk. National Education Policy 2020 chuan state university la nei lote chu kum 15 chhunga din turin a beisei a. Tun dinhmuna Mizoramin a hrana state university a neih loh avang leh, a awm sa Mizoram University leh ICFAI te chu central university leh private university a nih avangin NEP 2020 duh danin Mizoram sawrkar chuan ke a pen chhoh a ngai a. Mizoram State University hi din a nih chuan tuna state sawrkar hnuaia college-te chu State University hian a enkawl tawh dawn a ni.**

<><><>

## FORGERY

Police-te'n certificate, mark sheet leh driving licence lem siamtu nia hriat an man.

Vaivakawn Police Station a thawkte chuan Zirtawpni khan Aizawl Chawhmun vengacheng, Lalneihpuia chuan Social Media-ah Certificate a siam theih thu a ziahtih an dawng a; he thil hi uluk taka chhui chhonzawm nghal niin, SI C. Lalremruati leh a hote chuan Chawhmun atangin Lalneihpuia kum 27 hi Vaivakawn Police Station-ah an la tih Mizoram Police thuchhuah chuan a tarlang a. Ngun taka thu zawh fiah a nih hnuah kumin August thla atang khan a Mobile Phone hmangin Certificate lem hrang hrang, HSSLC/HSLC Mark sheet, HSLC Certificate, Driving License leh Mizoram University Grade Card lem te a siam thin a. Pakhat Cheng Sang 2-in a siamsak thin thu leh dan phalna tel lova a siam thin thu a inpuang a ni. A Mobile Phone hi man a ni a, amah, Lalneihpuia, South Vanlalphai, Hnahthial District (tuna Chawhmun, Aizawl a khawsa mek) pawh hi manin dan anga hma lak chhonzawmna atan Vaivakawn Police station-ah thubuait ziah luh a ni.

Police thuchhuah chuan hetiang mi bumna atana educational degree, professional certificate, signature, lem siam te, tihdanglam te hi dan bawhchhiatna pawh leh lian tham tak a ni tih kan inhriattir a, mipuite pawh hetiang document dik lo leh inbumna laka fimkhur tur leh hetiang dan bawhchhiatnaa inhnamhnawih lo turin Mizoram Police chuan mipuite a chah a ni.

<><><>

## MONKEY

Tunhnaia ramngaw atanga mihring chenna hmuna Zawng chhuak chu Environment, Forest & Climate Change department-in report an dawn hnun' berah Samlukhai khaw bawr velah a awm tih an sawi.

Nimina Akashvani corr-in a kawmnaah Deputy Conservator of Forest (Wildlife) Pi Margaret Lalramchhani chuan Zawng chu a tirah chuan Dampa Tiger Reserve, West Phaileng bul vel atangin a chhuak a, a hnuah Dapchhuahah an hmu leh a, a hnuah Sairang bawrah an hmu leh tih a sawi a. Chhim pheia an hmuh chhonzawm nen Zawng thuhmun a ni em tih an hre lo niin a sawi a, report an dawn hnun'ng berah chuan Samlukhai bawr velah an hmu tih a sawi a ni.

DCF chuan Zawng chuan mipui a tihbuait lem loh chuan sahuana dah luh a nih dawn loh thu a sawi a. Sahuanah a hranga dah bikna tur a awm lo a, Zawng awmsa a tam a, awm thar a awm hian an lo tihlum deuh tlangpui avangin dah ngam a ni lo, a ti a. Ramhnaia a luh leh theih an duh ber avangin

tihbuai loh an duh ber tih sawiin DCF chuan mipuite chu ei tur lo pe lo turin an ngen tih an sawi a, dawhthei taka lo ti-na lo chhunzawm zel turin an chah tih a sawi ni.

<><><>

#### BORDER FENCING

Nagaland Indigenous People's Forum (NIPF) leh Zo Reunification Organisation (ZORO)-te chuan sorkar laipuiin Manipur tlangram leh Myanmar ramri a hung mek chu chawlhsan nghal turin an phut.

Thuchhuah intawm siamin NIPF leh ZORO chuan tlangmite nekchep zawnga thilti-ah sorkar chu an puh a. NIPF president Dr T. Lima Jamir leh ZORO President Pu R. Sangkawia te chuan tlangmite'n India leh Myanmar ramri hung lo tura an ngenna leh nawrh an huaihawt chung pawha Tengenoupal, Chandel leh Churachandpur district-te leh Myanmar inkar ramri hung hna thawh luh a ni chu na takin an sawisel a. Nawrh huaihawt a nih lai khan hnathawh chawl mah se tunah hian venghimtu sipaite ruaia chak taka ramri hung hna hi thawh zawm tuma ruahmanna an siam chu titawp turin an phut a. Myanmar ramria awm tualchhuak hnamte duhdan zah lo taka thil tih hi India sorkar ngei pawhin a pawm, United Nations Declaration on the Rights of Indigenous Peoples (2007) palzutna a an ngaih thu an sawi a ni.

Sorkar laipui chu Manipur sorkar, hnam tlem zawkte rahbeh tuma beitu nia an an puh lam tangah an ngaih thu NIPF leh ZORO chuan an sawi a. Ramri hrula tlangmi awmte tana kawng hrang hranga harsatna siamtu tura ngaih ramri hung hi tihluh zel a nih chuan hmarchhaka muanna boruak awm mek a tihchhiat an hlauh thu an tarlang bawk a ni.

<><><>

#### GAMES

Mizo hnam infiamnaa inelna (Mizoram Indigenous Games) chu nimin atang khan Lawngtlai District-ah tan a ni.

Mizoram Indigenous Games hi Doordarshan Aizawl bultumin, Mizoram Indigenous Games Association leh Central Young Lai Association te nen tangkawpa huaihawt a ni a. Mini Sports Complex, Electric Veng Lawngtlaiah Lawngtlai BDO, Pu Collin Hlychho chuan a hawng a. Pu Collin Hlychho chuan mahni tualchhuak Infiamna chawi nun kawnga hmalakna chak taka kalpui a ni chu lawmawm a tih thu a sawi a, mahni hnam ziarang leh infiamnate ngaihhlut a tul a. Hnam infiamna ten hriat a hlauh loh chhoh mek karah a chawinun nana nasa zawka hma lak tul a tih thu sawiin, Mizoramin pi leh pute hun atanga infiamna a neihte chu tunlai hunah pawh infiamna nuam leh hautak lo tak tak a ni a, uar deuh deuh theih ni se a duh thu a sawi.

Intihsiaknaah hian inbuan, insuknawr, in-arpa-thai, inkawibah, insaihruipawh bakah lai paih-ahte an inel a. Nizan khan Chandmary Inpuiah chhunzawm a ni a, ruahman lawk dan chuan vawiinah zawhfel tum a ni.

<><><>

## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te ngaihthlak leh chhiar theiha dah a ni

<><><>

## BANGLADESH

Chattogram-a Minority Rights zawnga Rally neih laiin Bangladesh-ah Saffron Flag Incident vangin mi 2K man an ni. Police-te chuan kar hmasa khan Chattogram-a Independent Monument chungah Bangladesh ram flag chungah saffron flag an chawi nia sawi vangin thalai pahnih an man.

Hemi hma hian mi 19 lakah thubuai ziah luh al oni tawhh bawka, heng zingah hian ISKCON's Chattogram chapter, Kotwali police station ogansising secretay, Chittagong pawh a tel.

Thu la khawm tu -te tarlan danin, Sanatan Jagaran Mancha chuan October 25 khan Chittagong khawpui hlui Laldighi Maidan-ah kawngzawh lian tak an huaihawt a, Bangladesh-ah minority rights leh security neih an phut a.

Kawngzawhnaa thusawitute chuan an thil phut chu tihhlawhtlin a nih theih nan an nawr a, heng zingah hian hnam tlem zawkte tihduhdahna chungchanga thubuai ngaihtuah thuai a, hnam tlem zawkte humhalhna dan siam a, hnam tlem zawkte affairs ministry din a ni. Tun hnaia Hindu-te thil neih leh biakna hmunte beihnaa mawhphurtute thubuai siamsak tura sorkarin hma a lak loh nia an sawi chu an sawisel a ni.

<><><>